

НЕГ ЁКРӦС—1200 ЛИТР ЁС

„Страна Советов“-нертӕ колхозд Коробейникова Валентина гидг баахн кӱӱкн хойр джилӕс нааран ёкр саадгт кӧдлдж бӕӕнӕ. Ода эн кӱӱкн тугълсн 11 ёкрмӱд хӕлӕдж, асрдж бӕӕнӕ. Хӕлӕджӕх ёкрмӱдтӕн шимтӕ сӕн хот-хоолинӕ ӧгч, ик ёс ёкрмӱдӕсн саадж авх шунлтта.

Апрель сарин 6-д Элст балгъсна колхозмудин, совхозин болн МТС-н селӕнӕ эдл-ахун ӧмн нӱӱрт йовгч улсин хург болв. Тер хургт ёр Коробейникова Валентина, энджл дундин нег ёкрӕс 1200 литр ёс саадж авх болдж ёгӕн ӧгв.

1957-ч джилд ёкр малин

тугъллгъна кӧдлмшиг кинмджтӕ сӕӕнӕр кедж кӱцӕхин кергт ёр Коробейникова эврӕннӕ чидлӕн хӕӕрлл уга, ӧдр сӧ уга шундж, арднӕ ордж, ёкрмӱдӕн хӕлӕдж, зоотехническ зокалмудиг кӱцӕдж йовна.

11 ёкрӕс гарсн тугълмудиг гарар асрдж, цагланӕ услдж, хот-хоолинӕ ӧгч, нег чигн гару угагъар хӕлӕджӕнӕ. Ёкрмӱдӕс ёс икӕр саадж авхин кергт ёр Коробейникова хӕлӕджӕх ёкрмӱдтӕн сӕн ӧвс, силос болн концентрированн хот-хол цагланӕ ӧгч, услдж бӕӕнӕ.

А. ДЖЕВАЛДИКОВ.